

BON DIA *Aruba*

Editor
Caribbean Speed
Printers N.V.
Aruba Bank N.V.
Acc.No 332668

DIRECTOR

John Chemaly
John Chemaly Jr.

GERENTE GENERAL

Grace Mary Maduro

CORDINADOR

Benjamin Romero

REDACCION

Tito Lacle
Delma Arends
Margarita Els
Oscar Vidal
Maritza Faro
Melvin Garcia
Keven van Ommeren
E-mail: noticia@bondia.com

PROJECT EXECUTIVE

Elisabeth Guanipa
Genevieve Garcia

REDACTOR DEPORTIVO

Harold Faro
Richard Brooks
Andres Krozendijk
Email: deporte@bondia.com

COLABORADOR

Micheal Arends
Dr. Carlos Viana
Ronzzio de Cuba
Seever Krozendijk

INTERNATIONAL

Mariano Heyden
Margatita Els
(Antiyas) (Bonaire)

FOTOGRAFO

Debby Kelly
Dino Tromp
Jason Inesia

REPORTERO

Ludwig Hermans

LAYOUT

Glady's Palomino
Dina Maria

SALES

Elly Erasmus
Marijke Croes Luidens
Wendy Kelkboom

AVISO Y ARTE

Sandra Loefstop
(Hefe Reservacion)
Lando Rafael

ADMINISTRACION Y DISTRIBUCION

Eduard Martijn
(Hefe)
Jenny Lobbrecht
Martha Ariza
Natasha Ramos

COLLECTOR

Marieta Tromp

PRE PRESS

Luis Fernando Arenas
(Hefe)
Pablo Libre

PRESS

Ronald Schenker
(Hefe)
Omar Ramirez
Martin Boekhoudt

RECEPCIONISTA

Mariela Carrera

AGENDA DI NOTICIA

Associated Press
Editor's Press
United Media
Reuters

AFILIACION

Sociedad Interamerica
di Prensa (SIP)

DIRECCION

Weststraat 22
Tel: 582-7800 / Fax: 582-7044
Email: noticia@bondia.com
BON DIA ARUBA

Ta un corant redacta y imprimi na Aruba
y ta obtenibel di Dialuna te cu Diasabra
Ningun contenido por wordo reproduci
sin permiso di Editor.
www.bondia.com

Hues a manda Voogdijraad y Reclasering pa bay haci investigacion

Mucha di 15 año ta keda sin bay school pa traha pa asina por mantene famia

E mama a presenta den Corte manera nada no a pasa

ORANJESTAD — Recientemente a wordo trata den Corte un caso di intento di violacion caminda durante tratamiento di e caso, e enfasis a wordo poni riba e sospechoso.

Ta trata aki di un hoben D. (15) kende no ta bayendo school pasobra na cas ta reina un situacion diplorabel caminda no tin coriente y apenas tin cuminda. Den Corte tambe tabata presente mama di D.

INTENTO DI VIOLACION

Dia 27 di Februari 2008, D. hunto cu un otro hoben a purba viola un muher hoben caminda nan a gar'e, hib'e den mondi y a kita su paña pero e muher hoben na dado momento a logra scapa. E incidente aki a sosode na San Nicolas caminda segun D., ta su amigo a bin cu e idea aki y cu tur esaki tabata mas bien un joke.

Hues a hala D. su atencion cu loke e kier a haci ta hopi malo. Segun D. ta su amigo a bin cu e idea. Hues a puntra D. pakico el a bay di acuerdo cu e idea di amigo G. Segun D. e lo no a tene relacion sexual cu e mucha. Ta asina cu D. a keda 10 dia sera.

MUCHA NO TA BAY SCHOOL

Dia 9 Maart 2008, D. a wordo laga liber caminda Hues Comisario a duna D. chens pa sigui bay school. A pone como condicion pa dentro di 3 luna D. lo mester reanuda school. Segun D. despues cu el a wordo laga liber el a bay busca otro trabou. Hues a hala su atencion pakico e no a cumpli cu condicion di Hues Comisario. D. a bisa Hues cu e no por a saca papel pa bay school y tampoco no tabatin placa pa paga autobus.

Un empleado di Reclasering cu tabata presente den Corte a señala cu e situacion na cas di D. no ta bunita. El a muestra cu e cas no ta higienico, tin pobreza, no tin luz. El a sigui bisa cu no ta tur dia tin cuminda na cas. E muchanan tabata wordo laga pa nan cuenta y situacion na cas ta deplorable. Ta asina cu D. tin tres ruman mas na cas. Reclasering den su raport

presenta na Corte ta conseha pa saca D. for di e situacion aki. Ta asina cu D. ni sikiera a caba su school basico. Hues ta haya cu D. lo mester bay un internado. Actualmente D. ta trahando na un lugar.

Empleado di Reclasering den Corte a bisa Hues cu D. tin hopi problema na school pasobra door di pobreza e tabata wordo molestia pa muchanan door di su apariencia. Tin biaha no tin awa. Door di pobreza e mucha no por bay studia y e mucha a dicidi di kier yuda na cas. Segun e empleado di Reclasering e situacion na cas ta hopi precario.

Segun e mama, tur cos ta bayendo hopi bon na cas. Door di ayudo di D. tin awa, luz. Ta di lamenta e situacion aki, caminda e mama ta prefera di laga su yiu traha, envez di laga e mucha studia pa un miho futuro. Pa loke ta trata e caso penal, D. na yoramento a bisa Hues cu loke a sosode tabata un les p'e y cu nunca mas e lo haci algo asina.

Fiscal a papia cu e empleado di Reclasering y a keda constata cu no tin un internado na Aruba cual lo ta ideal. E empleado di Reclasering a sugeri pa hunto cu otro instancianan crea un plan di estudio pa D. Hues a remarca cu D. kier traha pa yuda situacion na cas. E empleado di Reclasering a bisa cu por ta D. lo por sigui estudio na Enseñanza pa Empleo y cu donacionnan cu Reclasering ta haya lo por yuda D.

FISCAL

Fiscal ta haya cu e no ta bay pidi pa encarcela D. pero e ta haya cu mester bisa cosnan cu mester wordo bisa. E caso aki ta hopi serio. Ta parce cu D. y G. no ta respeta hende muhe y a causa hopi spanto serca e mucha muhe. Nan no ta realisa cu loke nan a haci no por. Fiscal a bisa cu ora el a analisa e caso, el a dicidi cu lo mester atende e caso aki debidamente. E tabata kier a haci esaki den un Tomzitting pero si D. no presenta, e ora ey mester bin Corte. E ta haya cu D. mester haya apoyo y guia. Awor

mester mira kico e posibilidadnan ta. Ley ta data di 1930 y ta hopi antigua y no ta brinda solucionnan. Aruba no tin internado y e no ta kere cu mester manda D. Curacao. E ta haya cu lo ta miho pa e keda Aruba bou guia di Recalsering. Segun ley, si no pone D. na disposicion di Gobierno mester impone un multa of mester hala su atencion y cu por pidi Hues pa laga D. cay bou supervision.

Esaki ta e problema cu Fiscal ta hay'e confronta cune caminda ley no ta brinda formanan pa atende e problema di D. E ta haya cu D. mester di guia y cu actualmente D. ta traha pa drecha situacion na cas. Fiscal ta haya cu D. mester bay school pa siña. E ta haya cu ta mucho pisa pa pone D. bou supervision di Voogdijraad pero si e kier pa Voogdijraad ta bay yuda den e caso aki caminda nan lo bay bishita e cas pa analisa e situacion. Fiscal a exigí castigo condicional caminda D. ta cay bou guia di Reclasering.

ABOGADO

Abogado mr. Scheper a muestra cu ta circunstancia a pone D. den e situacion cu e ta actualmente. El a papia cu e mama di D. cu mester haci tur posibel pa D. haya su estudio. E ta laga tur cos den man di Hues.

SENTENCIA

Hues a sera tratamiento di e caso y a dicta sentencia di biaha. E ta haya legalmente proba intento di violacion di e mucha muhe. El a tene cuenta cu e situacion cu D. (15) ta aden.

Hues a remarca cu no por ta asina cu un mucha di 15 año no ta bay school. No por ta asina cu e mucha mester traha pa yuda mama na cas. Esey no ta e situacion. Huestacompartiproposicion di Fiscal pa laga Voogdijraad haci investigacion. El a bisa D. pa sigui conseho di Voogdijraad y cu e ta cay bou guia Reclasering. Si D. no cumpli cu guia di Reclasering, Fiscal lo por mande internado na Curacao. Tempo di prueba ta 2 año. Tambe ta asina cu Voogdijraad lo bay evalua pakico e mucha mester traha siendo cu e mama tambe por traha.